



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 434. Libri feudalis an sint authentici, habeantque rationem legis, &
allegari possint ad decisionem causarum.

[urn:nbn:de:hbz:466:1-73957](#)

*Quæst. 431. An filius habens feudum pa-
ternum teneatur satisfacere credi-
toribus patris ex ipso feudo?*

Resp. Tam eti filius non adiens hæreditatem paternam non teneatur satisfacere creditoribus paternis, prout indubitatum judicat Clar. 9. 43. n. 1. ubi tamen adiit hæreditatem cum beneficio inventarii, & feudum non est hæreditarium, non tenetur ultra vires hæreditatis paternæ ex ipso feudo solvere; quia hoc habet ex pacto & providentia primi acquirentis, & non tanquam hæres;

CAPUT TERTIUM.

De Probatione Feudi Causisque feudalibus di- judicandis & Feudi Caducitate.

*Quæst. 432. An & qualiter in dubio va-
sallus teneatur probare rem esse al-
lodiale?*

Resp. primo: In casu, quo dominus afferit rem aliquam esse feudalem, possessor vero illius afferit esse alloodalem, hic non tenetur probare alloodalitatem; in dubio enim res præsumitur alloodalis, cùm feudum sit species servitutis, qua non præsumitur. Gail. 1. 2. obs. 69. n. 4. & seq. Clar. 9. 18. dicens hanc esse vulgarem, quam sequuntur omnes. Sed neque, dum quis accepit investitram de castro & omnibus pertinentiis, adhuc incumbit tali vasallo onus probandi rem aliquam, quam possidet in territorio illius castris esse alloodalem, cùm adhuc præsumatur alloodalis, quādū dominus non probat esse de pertinentiis ad castrum. Host. in c. nimis. de jurejur. Clatus loc. cit. num. 2. dicens communem. Cujus contrarium tamen sentire videtur. Gail. loc. cit. num. 7. dum ait: Concello castro cum pertinentiis, omnia, qua sunt in territorio censentur pertinentiae, & quidquid est intra fines Comitatus, præsumitur esse de Comitatu. Item dum quis ut vasallus servivit præstante servitia personalia per longum tempus, puta, decennium, non præsumitur adhuc titulus vasallagii seu homagii; sed ad hoc requiruntur anni 30. cum effici aliquem vasallum alterius sit res magni præjudicij; ita cum Bart. in l. solent. §. fin. num. 9. ff. de off. procons. Clar. 9. 19. num. 1. adeoque contrarium non tenetur probare vasallus talis. Ut etiam qui se pro vasallo habet, non tenetur probare præcessisse solennem concessionem feudalem, dum rem ut feudalem per decennium possedit; quia id præsumitur ex lapsu tot annorum. Clar. ibidem. num. 2.

Resp. secundò: Feudum novum probari non potest nisi per Pares curiae, hoc est, convasallos ejusdem domini, aut per Breve à Paribus confirmatum, ne quid falsitatis in præjudicium & perniciem domini excogiteatur aliis testibus inductis, qui forte pecunia corrupti sint per texum c. 1. §. idcirco. de novo feudo. & c. 1. §. novam. qui test. sint necess. ita Gail. 1. 2. obs. 50. à num. 4.

*Quæst. 433. Proximioritas in ordine ad
succedendum in feudo an & qualiter
probanda?*

Resp. Agnati volentes succedere ultimo vasallo, necessarij originem feudi, ex quo modo ipsi

communi stipite & primo acquirente feudum descendant, probare debent, ita ut alias non sufficiat agnationis & gentilitatis qualitas allegata, & gradus prærogativa (intellige non probata). Gail. 1. 2. obs. 149. num. 5. Unde num. 6. monet, ut providi sint agnati, ut majorum investitures accurate & diligenter custodiunt, & lineam originemque feudi, adeoque primum acquirentem follicite obseruent, cùm in hujusmodi feudis antiquis agnatis non jus, sed probatio desit l. dho sum. ff. de testam. tutel. Sicut autem antiquitatem, ita etiam plenè proximioritatem probant libri genethliaci, quos magnæ & primaria nobilitatis familiae asservant, in quibus continua serie originem & successiones gentilium describunt, si in archivio familie in honesto loco, apud viros omni exceptione majores custodiantur. Arg. c. ad andientiam. de prescrip. & ibi Abb. utl & in c. cùm causam. de prob. num. 1. Bart. in l. 1. ff. si cert. petat. & alii, quos citat & sequitur. Gail. loc. cit. num. 7. qui etiam num. 8. idem dicit quod ad vim illam plenè probandi cum Innoc. in c. 1. de prob. n. 1. in fine. de scripturis antiquis etiam lapidibus & columnis incisis.

*Quæst. 434. Libri feudales an sint au-
thenticæ, habeantque rationem legis
& allegari possint ad decisionem cau-
sarum?*

Resp. Libri seu consuetudines feudales, postquam ab Imperatoribus, quorum & leges condere, in variis locis confirmatae & ratificatae, ut colligitur ex l. 1. feud. tit. 13. quin & à summis Pontificibus consuetudines in eis contentæ approbatæ. Arg. c. ceterum. de Judio. & c. ex transmissa. de for. comp. Dein in scholis publice prælectæ, & longissimo ac immemoriali orbis totius usi receptæ & practicatae non possunt non dici & esse authenticæ, facereque plenam probationem, & eadem, quæ leges alia scriptæ auctoritate pollere, adeoque non minus quam hæ ad decisionem causarum adhiberi possunt. Ac ita contra Host. in sum. de immuniti. Ecl. §. in quantum. & paucos alios tenent Fachin. l. 7. controv. c. 2. Zaf. in epitom. feud. in pr. Belvisio in c. 1. §. fin. de his qui feud. dare poss. q. 1. cui, si ulli alii, in materia feudorum credendum ait Marant. Spec. aur. part. 3. num. 84. Marant, ibidem ipse. Clar. §. feudum. q. 3. n. 1. Pith. b. t. n. 27. omnes testantes de communi, & ubique practicari solita. Et quidem causæ feudales

deciduntur per jura feudalia; & dein, ubi casus non reperitur decisus per jura feudalia, recurrimus ad jus commune. Arg. c. I. ne fendi cognit. & ibi Jacob. de Belvis. Jafon. in l. I. de jur. emphyt. tit. I. §. Alex. conf. 15. col. 4. vol. 4. quos citat. & sequitur Marant. loc. cit. num. 86. Et tunc, ubi jura communia praeceps, non tractant de feudis, recurrimus ad jura loquentia de emphyteusi; arguendo à similibus ad similia. Marant. loc. cit. cum Bald. cùm valeat argumentum de emphyteusi ad feendum, ut Idem cum Jafon. Corn. & alii. Dum autem dicitur; cestante jure feudali recurrentum ad jus commune, intelligendum id de jure canonico in casu, in quo illud variaret à jure civili, propter juramentum, quod interponitur in feudo per vasallos, ait Marant. num. 88. dicens illud esse singulare dictum Baldi in c. imperiale. §. fin. col. 3. de probib. feud. alien. per Frideric. quem sequatur Alex. conf. 5. col. 4. vol. 5. in pr. & Felin. in c. in caus. de testib. col. 3. in fine. Nihilominus libros & consuetudines feudales allegari non posse extra materiam feudalem, tradit Clar. loc. cit. q. 3. vers. & hac quidem. cum Bart. in l. ut jurisjurandi. §. si liberi. ff. de oper. libert. & Curt. Jun. conf. 65. num. 15. dicente communem. Quin & in ipsa materia feudali non nisi capitula ordinaria, quæ l. 1. & 2. continentur, usque ad capitul. 58. inclusivè habere dictam auctoritatem, & allegari posse. Cætera autem Libri 2. capitula extraordinaria, utpote non publica auctoritate, sed operâ Cujacii & quorundam aliorum adjecta dubia esse auctoritatis, & non ita usu recepta; unde tunc tandem valeant & allegari posse, quando cum capitalis prioribus ordinariis convenient, & eorum explicacionem faciunt, vel quando casum non decisum in ordinariis continent cum Strickio in exam. juris feudal. c. I. quest. 22. nota Reiffenst. h. t. num. 42. De cætero has Leges feudales obligare Ecclesiæ & personas Ecclesiasticas tanquam communem tradunt Curt. Jun. de feud. in 1. part. in princ. quest. 2. Clar. cit. quest. 3. vers. sed nunquid. Marant. loc. cit. num. 93. citans Bald. in c. ceterum. de Judic. col. 1. Felin. in c. 2. de rescrip. col. 23. Alex. conf. 10. col. 11. l. 5. ex ea ratione, quod ratione feudi Ecclesia & Clerici subdiantur domino laico. Idem tenet Pith. h. t. num. 27. in fine. sed ita limitat, ut procedat in iis juribus, ut feudalibus, quæ generaliter loquuntur; cùm hæc videantur approbata ab Ecclesia, quando Canones exprefse non contradicunt; non verò in illis, quæ nominatim & specificè de Ecclesiis & eorum personis rebusque illarum disponunt in præjudicium eorum; cum fint contra immunitatem & libertatem Ecclesiæ, adeoque damnata & abolenda. Arg. c. cum terra de eccl. qualia, quia sunt, quæ excludunt clericos & monachos à successione in feidis, non habent auctoritatem, ac proinde in hoc servandi canones clericos & religiosos non repellentes à feidis, ut Felin. in c. in presentia. de prob. num. 44. Fagn. in c. qua Ecclesiarum. tit. eod. num. 95. & seq. citati à Pith.

*Quest. 435. Cause feudales coram quo
Judice tradandæ, & à quo deci-
dendæ?*

I. Resp. primò: Dum controversia est super feudo inter dominum & vasallum, Judges

sunt Pares curiae. Gail. l. I. observ. I. num. 54. Clar. quest. 90. num. 1. juxta c. I. §. præterea. de prohib. feud. per Frider. Eliguntur illi Pares à partibus, ita ut Dominus primò eligat unum aut plures, quot voluerit, dein vasallus eligat totidem juxta numerum à domino probatum Gl. in cit. §. præterea. v. Pares curiae. Belvis. tr. de feud. in verb. & dicti vasall post num. 10. Clar. loc. cit. num. 2. ut ajunt, cum communi; possuntque cogi ad judicandum. Clar. num. 3. cum Belvis. loc. cit. & communi. Et licet dicto modo elegantur à partibus, habent tamen eo ipso, quod elegantur, jurisdictionem ordinariam in causis feudalibus ex lege; ideoque coram illis proceditur servato juris ordine; libellus exhibetur, lis contestatur, juratur de calunnia, sicut probatio-nes, & in causa tandem concluditur; ita Gail. loc. cit. num. 55. citatis pluribus. Nec recusari eos posse, maximè de jure civili, quo Judex ordinarius recusari nequit juxta L. nemo C. de ju-risd. omn. Judic. & L. apertissimi. C. de Judic. asserit Zaf. de feud. p. 2. num. 25. contra Afflictis apud Gail. loc. cit. num. 58. Et ubi dominus est laicus, & vasallus clericus, hi pares cognosce-re possunt de causa, etiam num ipse clericus privandus sit feudo. Clar. loc. cit. num. 4. citatis Innoc. in c. verum. de foro comp. Alex. conf. 79. l. 1. circa pr. Ripa in c. decernimus. de Judic. post num. 21. vers. intellige. cùm respectu feudi Clericus & Ecclesia Laicis subdiciuntur, quam-vis, ut habet Marant. p. 4. dif. 11. num. 7. citans c. verum. de for. comp. Judex Ecclesiasticus contra laicum cognoscit de causa feudali, ubique laicus tenet ab Ecclesia.

2. Resp. secundò: Dum controversia est inter ipsos vasallos de feudo, quod ad se pertinere uterque contendit, iisque sunt Duces, Comites, Barones immediatè subjecti Imperatori, & feudum est Imperii, non Pares curiae, sed Imperator inter eos Judex est juxta c. I. apud quem controv. feud. term. debet. Curt. Jun. de feud. in 7. part. in 1. reg. attestans de communi feudistarum. Clar. cit. quest. 90. num. 5. Gail. l. I. observ. 29. num. 1. Spectare nihilominus posse istiusmodi causas jure preventionis immediatè ad Cameram; eò quod illa per modum contractus ex ordinatione Cameræ cum Cæsare concurren-tem jurisdictionem habeat; adeoque Cæsarem quod ad iustitia administrationem in causis civilibus repræsentet, voceturque judicium Cæsaris; unde, si partes priùs Cameram quam Cæsarem adeant, & citationem petant, posse eam jure preventionis decerni, & causam ibidem agitari juxta c. cùm plures. de off. deleg. in 6. & Anchar. ibidem, num. 2. testatur Gail. loc. cit. num. 2. & 3. citatis aliis.

3. Resp. tertio: Dum controversia est inter vasallos inferiores, non super ipso feudo vel re feudal, dominus non est Judex inter ipsos. Clar. loc. cit. num. 5. cum Curt. Jun. in 2. part. in 2. reg. vers. septimè fallit. & communi Canonistar. Si verò est super ipso feudo controversia, dominus directus est Judex competens inter illos juxta cit. c. I. §. præterea si inter. Estque hæc jurisdictio dominii respectu causæ concernentis rem ipsam feudalem ordinaria, quippe à lege collata. Clar. num. 6. cum Curt. Jun. loc. cit. q. 8. dicente communem. Quod si tamen unus vasallorum op-poneret contra dominum declinatoriam, negans